



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02-11-4-553/23

Datum: 31.01.2023.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 10c. stav (5), člana 18. stav (2), Zakona o javnim nabavkama („Službeni glasnik Bosne i Hercegovine”, broj 39/14 i 59/22) policijski komesar Uprave policije Ministarstva unutrašnjih poslova, d o n o s i:

ODLUKU o izuzeću od primjene Zakona o javnim nabavkama

I

Od primjene Zakona o javnim nabavkama BiH izuzimaju se nabavke usluga registracije motornih vozila, procjenjena vrijednost 16.000,00 KM bez PDV-a.

II

Sredstva za nabavku usluga iz člana I ove odluke osiguravaju se iz Budžeta Kantona Sarajevo, na osnovu Odluke Skupštine Kantona Sarajevo o privremenom finansiranju potreba Kantona Sarajevo za period od 01.01.2023. godine do 31.03.2023. godine („Službene novine KS”, broj: 52/22), razdjel 17 – MUP, glava 02 – Uprava policije.

III

Ova odluka stupa na snagu danom donošenja i bit će objavljena na službenoj stranici Ministarstva unutrašnjih poslova Kantona Sarajevo.

O b r a z l o ž e n j e

Odredbama Zakona o osnovama bezbjednosti saobraćaja na putevima u BiH („Službeni glasnik BiH”, broj 6/06, 75/06, 44/07, 84/09, 48/10, 18/13, 8/17 i 9/18) i Pravilnika o registrovanju vozila BiH („Službeni glasnik BiH”, broj: 69/09, 29/20 i 9/21), propisano je da su za registraciju vozila nadležni samo organi za unutrašnje poslove. Na osnovu pomenutih propisa, za registraciju vozila, izdavanje saobraćajne dozvole, registarskih tablica i registracione naljepnice u Federaciji BiH nadležna su kantonalna ministarstva unutrašnjih poslova. Ovdje se podrazumijevaju sve naknade i takse propisane pozitivnim pravnim propisima bilo kojeg nivoa. Zakonom o cestama FBiH („Službene novine FBiH”, broj: 12/10) propisana je obaveza plaćanja naknade „pomoć-informacije” Javnom preduzeću Ceste FBiH, visina naknade utvrđena je Odlukom o službi „pomoć-informacije” („Službene novine FBiH”, broj: 5/11). Takođe, Uredbom o visini godišnje naknade za javne ceste koja se plaća pri registraciji motornih i priključnih vozila („Službene novine FBiH”, broj: 9/16) propisana je obaveza plaćanja naknada Javnom preduzeću Ceste FBiH, Uredbom o posebnim naknadama za okoliš koje se plaćaju pri registraciji motornih vozila FBiH („Službene novine FBiH”, broj: 14/11 i 26/11) predviđena je obaveza plaćanja naknade Fondu za zaštitu okoliša FBiH, zatim Pravilnikom o načinu obračunavanja, postupku, rokovima za obračunavanje i plaćanje i kontroli izmirivanja obaveza na osnovu opće vodne naknade i posebnih vodnih naknada

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba

(„Službene novine FBiH”, broj: 92/07, 46/09, 79/11 i 88/12) predviđena je obaveza plaćanja vodnih naknada. Saradnja između ovih organa se ostvaruje s ciljem osiguranja javne usluge, kojom se ostvaruju zajednički ciljevi, a to su sigurnost u saobraćaju i zaštita životne sredine. Cijene predmetnih usluga su propisane u naprijed navedenim zakonskim i podzakonskim aktima i kao takve su obavezujuće.

U skladu sa naprijed navedenim ispunjeni su uslovi za izuzeće od primjene Zakona o javnim nabavkama BiH („Službeni glasnik BiH“ broj 39/14 i 59/22) u skladu sa članom 10c. stav (5).

POLICIJSKI KOMESAR
Generalni inspektor policije

Nusret Selimović

Dostaviti:

1. Sektor za materijalno finansijske poslove
2. Odjeljenju za odnose s javnošću, radi objave na web stranici ovog organa
3. a/a